

24 ~~172~~

2. D. F. F. 2. E. 1.  
DISSERTATIO INAUGURALIS JURIDICA  
DE  
PROBANDA COGNATIONE  
PER AUDITVM,  
QVAM

D. O. M. A. .  
EX INDVLTV  
ILLVSTRIS ICTORVM COLLEGII  
IN REGIA ARGENTORATENSIVM  
VNIVERSITATE

PRO LICENTIA  
SVMMOS IN VTROQVE JVRE HONORES  
DOCTORALES

RITE OBTINENDI

AD D. 4. JAN. MDCCXXXVII.



IN SOLENNI ERVDITORVM CONGRESSV  
DEFENDET


FRANCISCVS HELOUIS,  
PALATINOPOLITANVS.



Typis, MELCHIORIS PAVSCHINGERI, Typogr.

DEO,  
PATRIÆ,  
PATRONIS

atque  
AMICIS.



J. N. D.

DISSERTATIO INAUGURALIS JURIDICA  
DE  
PROBANDA COGNATIONE  
PER AUDITVM.

§. I.

**I**N negotiis humanis multa quandoque sese exserunt impedimenta, quæ actum aut incipere aut continuare prohibent, vel actum consummatum sine effectu relinquunt. Pertinent quoque ad hanc classem impedimenta matri-

monii, quæ vel a *natura* vel a *lege* veniunt. Utraque a Doctoribus dividuntur in impedimenta *dirimentia* & *impedientia*. Hæc sunt, quæ impediunt nuptias, sed contractas non dirimunt aut resolvunt. Horum alia sunt sine delicto, ut:

Ecclesiæ vetitum, nec non tempus feriatum,  
Atque Catechismus, sponsalia, jungito votum.

Alia vero proveniunt ex delicto aliquo,  
c. g.

Incestus, raptus, sponsatæ mors mulieris,  
Susceptus propriæ sobolis, mors presbyteralis,  
Aut si pœniteat solenniter, aut monialem  
Accipiat, prohibent hæc conjugium sociandum.

Illa vero, quæ dirimentia vocantur, & nuptias non tantum impediunt, sed & contractas annullant, his versiculis comprehenduntur:

Error, conditio, votum, cognatio crimen,

Cultus



Cultus disparitas, vis, ordo, ligamen honestas.  
Si sis affinis, si forte coire nequibis.  
Si Parochi & bini desit præsentia testis.  
Si mulier sit rapta, loco nec reddita tuto.  
Hæc socianda vetant, connubia facta retractant.

### §. II.

Inter hæc Impedimenta dirimentia præcipua & quotidiana fere conspiciuntur, *Consanguinitas & Affinitas* Naturale enim & ingenitum est, ut homo averseetur carnes sui generis, & ipse Creator Mundi *Levit. cap. 18.* prohibuit, ne quis accedat ad carnem carnis suæ proximam. Hinc si constat, personas, quæ matrimonium inire desiderant, in gradu aliquo consanguinitatis vel affinitatis legibus prohibito esse conjunctas, matrimonium ipsis inter se invicem contrahere non licet, aut si jam contractum, dirimendum erit. Quid si autem consanguinitas vel affinitas notoria non sit, sed

A 3

tan-

tantum ex auditu detegatur, v. g. adsunt quidam, qui dicunt, se audivisse personas istas in aliquo gradu consanguinitatis vel affinitatis sese habere, quæritur, an simplex testimonium de auditu alieno in computandis gradibus consanguinitatis vel affinitatis sufficiat, & probabilem seu verosimilem probationem conficiat?

### §. III.

In decidenda hac quæstionē statim dicendum erit, quod in probanda cognitione, quæ ipsa per se semper probatu difficilis reputatur, etiam cessante magna antiquitate, ob id, quod non cadat in sensum testium, & sic concurrente duplici difficultate ex materia & cognitionis & temporis, scrupulositas probationis exigenda non sit. Hinc ante concilium Lateranense quartum, in gradibus consanguinitatis & affinitatis computandis, temporis longinquitate interveniente, indistincte admitteba-

tebatur testimonium de auditu alieno, videatur *Canon 5. Et 8. Caus 35. Quest. 6.* Ratio hujus rei justissima est, quoniam enim olim ratione affinitatis & consanguinitatis nuptiæ usque ad septimum gradum prohibitiæ erant, & propter brevem hominum vitam testes de visu deponere non valebant usque ad septimum gradum computando, ideoque levioribus, obliquis, indirectis probationibus contenti fuere veteres, & testimonium de auditione recipiebatur. Nam licet liquido dicere non possint, se vidisse, tamen id allegare possunt, se a duobus vel tribus ex majoribus suis fide dignissimis audivisse. Et hoc procedebat non tantum in causa matrimoniali, quando agebatur de probanda consanguinitate vel affinitate, sed & in aliis causis non matrimonialibus valebat testimonium de auditu auditus, ubi testes de visu haberi non poterant. v. g. versamur in magna temporis antiquitate, &

& quæstio consanguinitatis non ob aliquod matrimonium justificandum, sed ad successionem aliquam adipiscendam proponitur.

§. IV.

Verum hoc in Concilio Lateranensi quarto, quod Innocentius III. Pontifex Romanus constituit, mutatum est, quoniam enim plurimis exemplis & certis experimentis compertum est, ex hac consuetudine multa pericula contra legitima matrimonia provenisse, & hodie prohibitio contrahendi matrimonium ad quartum consanguinitatis & affinitatis gradum coarctata *Cap. 8. X. de consanguinitate & affinitate*. Ad stipitem quorum graduum vel ad immediatos filios ejus testes de visu possunt naturaliter pervenire, & verissimiliter facile haberi. Et ubi non haberentur, tolerabilius est, aliquos contra statuta hominum dimittere copulatos, quam conjunctos legitime contra statuta domini



mini separare. Hinc merito in prædicto Concilio sub moderamine eruditissimi Pontificis Innocentii III. constitutum fuit, ne in posterum in probanda consanguinitate vel affinitate simpliciter & indistincte admitteretur testimonium de auditu alieno, sed demum concurrentibus duodecim requisitis, quæ in *Cap 47. X. de testibus & attestationibus* recensentur.

§. V.

Duodecim hæc requisita duplicis generis sunt, horum enim sex concernunt personas testium, & reliqua *dicta* testimonium respiciunt. Priora, quæ circa personas testium requiruntur, sunt sequentia, nimirum; *primo*, quod testes debeant esse personæ graves, quibus fides merito sit adhibenda. Quæritur autem hic, quanam per graves intelligantur? Quamplurimi

rimi Glossatores credunt , quod non illi dicantur graves , qui dignitate aliqua condecorati caput extollunt, quoniam aliud gravitas , aliud dignitas . sed graves intelliguntur hi , qui sunt homines bonæ famæ , & opinionis , atque antiqui. Alii dicunt, sub nomine gravium venire seniores, quoniam ad eos recurritur deficientibus testibus de parentela, & in causis dubiis & antiquis factis semper major senibus habetur fides. Verum mihi videtur rem hanc non opus habere tanta speculatione, cum ex ipsis verbis *Capitis 47. X. de test. Et attest.* pateat , quinam graves dici possint , videlicet omnes illi , quibus major fides adhibetur, quos etiam bonus Judex facile cognosceret.

§. VI.

*Secundum* requisitum est , ut testes id, quod deponunt per auditum ; ante  
litern

litem motam perceperint ; quoniam fama , quæ surgit post litem motam , non valet. Hinc recte rejiciuntur illi , qui post litem motam demum testificata didicerunt , ratio , quia magna adest præsumptio , quod hi , a quibus relatum acceperunt , subornati fuissent ad hoc proferendum in præjudicium ac odium partis adversæ , quæ nuptias celebrare optat. Ut itaque hæc suspicio atque timor tollatur , recte ab Innocentio III. sancitum est , ut testes testificata ante litem motam didicerint. *Tertio* requiritur circa personas testium , ut testes testificatum suum audiverint ab antiquioribus suis. *Quæritur* autem , quinam per suos antiquiores sumantur. Non conveniunt hac in re Glossatores. Alii enim credunt , quod illi intelligantur , qui sunt antiquiores eorum , de quorum consanguinitate vel affinitate controversia est. Hi enim aliis

præferuntur in computatione graduum, quia melius sciunt suam genealogiam. Alii aliter sentiunt statuentes, quod per suos antiquiores intelligendi sint sive eorum de quorum consanguinitate quæritur, sive ipsius testis. Quod præter Hostiensem & Baldus firmat.

§. VII.

*Quarto* concurrere quoque debet & hoc, ut non ab uno, sed ad minimum a duobus antiquioribus testificata audiverint. Hinc si percepissent testes testificata ab uno, quantæcunque autoritatis esset, non procedet & eorum testimonium, quia non sufficeret ille, si viveret, & omnes illi, qui causam habent ab uno, pro uno solo reputantur, attento, quod unius testis assertio non valeat, & probatio mediata, a qua assumit originem

nem immediata, si non est plena seu perfecta, non censetur etiam immediata plena vel perfecta. *Quinto* ad hoc, ut valeat probatio per auditum, requiritur, ut testes probata audiverint non ab infamibus & suspectis, sed à fide dignis & omni exceptione majoribus. Ratio huius rei hæc est, quia absurdum esset, illos admitti, quorum repellerentur auctores, *Sexta* qualitas, quæ personas testium respicit, est, quod si unus à pluribus, vel infames ab hominibus bonæ fidei acceperint, quod testantur, tales non debeant tanquam plures & idonei testes admitti, cum secundum ordinem iudiciorum non sufficiat unius testis assertio, vox enim unius vox nullius est, & actus legitimi infamibus sunt interdicti.

S. VIII.

Hactenus dictum est de requisitis

B 3

per-

personas testium concernentibus, nunc transeamus ad illa, quæ dicta testium respiciunt, inter quæ *primum* locum obtinet illud, quod testes proprio Juramento firmare debeant, quod ad ferendum testimonium in causa ipsa odio, amore, timore vel aliqua compensatione non procedant. *Secundo* requiritur, ut personas declarent per nomina propria, appellativa, demonstrativa vel circumlocutiones sufficientes. Id quod etiam annuit *Cap. 7. X. de Consang. & affinit.* ubi eadem fere verba leguntur: scil. *nomini- bus propriis vel equipollentibus indi- ciis designando personas &c.* *Tertium* requisitum, quod Concilium generale adesse cupit, est, ut ab utroque latere singulos gradus consanguinitatis vel affinitatis clara computatione distinguant. Queritur autem, an testes, qui gradus computant, debeant incipere à stipite.

Re-

Respondetur negando, quoniam de illo nullibi cautum legimus, sed tantum de lateribus seu fratribus computatio inchoari potest, vid. *cap. 7. eod.*

§. IX.

*Quarto* concurrere quoque debet, ut testes juramento suo inserant, se id quod deponunt, accepisse a majoribus suis, id est, ascendentibus, collaterales enim sub nomine majorum non comprehenduntur. *L. Juris-Consultus ff. de grad.* *Quinto* requiritur, ut adjiciant, se credere, ita esse, ut a majoribus acceperunt. Denique & *sexta* qualitas in dictis testium observanda venit, nimirum, ut jurati deponant, se vidisse personas ex ea cognatione, vel saltem in uno quodam gradu prædictorum quasi inter se cognatione junctas, familiariter vitam agere.

COROL-

COROLLARIA.

I.

*Sponsalia necessario præcedere debent  
matrimonium.*

II.

*Non committitur adulterium cum  
sponsa de futuro.*

III.

*Jure Civili omnia sponsalia sunt de fu-  
turo.*

IV.

*Ex diuturna cohabitatione præsumitur  
matrimonium.*

V.

*Judeus pupilli Christiani tutor esse non  
potest.*

VI.

*Filius Patris novercam in matrimo-  
nium ducere potest.*

